

成功行滿鸞翔鳳舞駕雲軒

元始无量度人上品妙經註解

性四

進經表

小兆臣薛季昭誠惶誠恐稽首頓首再拜  
上言臣聞泰珠造化因

元始以泄玄靈寶本章類道君而演化天不

愛道世得見經誠為混沌赤文名曰上品

妙首元網流演則三十二帝神文管衛則

二十四人上消天災下禳毒害故輕泄漏

慢者身經地獄而供養尊禮者位登仙公

然世人誦詠雖多於經旨通明者少先賢

非無箋註多入幽玄末學未易通融益滋

疑惑心如昧昧音謾琅琅臣季昭等是凡

夫好參玄竅師傳心印師顯雷壇愧無寸

功可消三惡助六經之句解參諸老之玄

該集成一家廣開衆目不敢施於上道祇

接引於下根隨字發明逐章剖析但欲煥

聖言於日月焉能免罪存於丘山祈帝之

恩恕臣之僭巨誠惶誠恐稽首頓首再拜

恭惟

无上大羅三境金闕玉皇上帝 玉陛下開明

三景化生諸天玄座說經同時稱善生死

受賴為福難勝玄奧可詳度人無量伏望

憫臣未消穢氣念臣好學至經通玄究微

粗悉其章焚香誦經願成此志仰蒙帝祐

獲就良因了積年未了之心開風世罔開

之眼利施六天之下是男是女咸得長生

庶幾一日之間無智無愚皆可入道彼此

俱無妄想祖宗但願昇遷仍請護持相傳

久遠昔諸天託人功過毫分無失今一國

傾心歸仰喜慶難言臣下情無任瞻天望

聖昧死俯伏謝罪祈息之至謹言

大德七年甲辰上元日小兆臣薛季昭上表